

**Akileraarutitigut ilanngaattissat il.il.**

Ilanngaatit ataasiakkaat kommuninullu ataatsimut akileraarut, taakku pillugit siunertarineqartut sunniutigisassaallu kiisalu ukiut siuliini annertussusilerneqartarnerisa naatsumik allaaserine-qarnerat.

**1. Inummut ilanngaat - § 67, imm. 1.**

Inummut ilanngaat akileraarutissat naatsorsorneqarneranni ilanngaatigineqartussaavoq, tassani siunertaavoq aningaasarsiat (aningaasarsiat akileraaruteqaataasussat) inummut ilanngaammit annerusut kisimik akileraaruserneqarnissaat.

Inummut ilanngaat ukiuni 1975-imit 1986-imit 20.000 kr.-nut annertussusilerneqarsimavoq, 1987-imit (akileraarusersuineramik aaqqissuusseqqinneq) 1991-imit 35.000 kr.-nut, 1992-imit (akileraarusersuineramik allannguineq) 2004-mut 40.000 kr.-nut aamma 2005-imit (akileraarusersuineramik aaqqissuusseqqinneq) 2020-mut 48.000 kr.-nut annertussusilerneqarsimalluni.

**2. Ilanngaat aalajangersimasoq - § 21, imm. 2.**

Ilanngaat aalajangersimasoq akileraarusiinerami ilanngaataavoq, taanna "ilanngaativissanut" ilanngaammit aalajangersimasumit annerunngitsunut taarsiullugu ilanngaatigineqartarpoq.

Ilanngaat aalajangersimasoq ukiuni 1975-imit 1989-imit 4.000 kr.-nut annertussusilerneqarsimavoq, 1990-imit 1998-imit 6.000 kr.-nut, 1999-imit 2004-mut 8.000 kr.-nut aamma 2005-imit (akileraarusersuineramik aaqqissuusseqqinneq) 2020-mut 10.000 kr.-nut annertussusilerneqarsimalluni.

**3. Aningaasarsiat B-t akileraaruteqaataasussaannngitsut - § 20, imm. 2.**

Akileraaruteqaataasussaannngitsut pineqartillugit siunertaavoq aningaasarsiat B-t taamaallaat akileraarusersorneqartassasut aatsaat aningaasarsiat akileraaruteqaataasussaannngitsut sinnerlugit isertitaqarsimagaanni. Aningaasarsiat akileraaruteqaataasussaannngitsut aalisarnermit, piniarnermit, aallaaniarnermit, savaateqarnermit tuttuuteqarnermillu, eqqumiitsuliornermi sanalunnermillu tunisassianik tunisaqarnermi aamma atuupput. Aalisarnermit, piniarnermit aallaaniarnermit savaateqarnermillu tunisassianik Kalaallit Nunaanni tunisassiorfinnut tunisiniarmi isertitat, ingerlatseqatigiiffiit, peqatigiiffiit assigisaasaluunniit tunisarinngippatigit, aningaasarsiatut A-tut naatsorsuunneqassapput.

Aningaasarsiat B-t akileraaruteqaataasussaannngitsut ukiuni 1975-imit 1992-imit 4.000 kr.-nut aamma 1993-imit 2020-mut 5.000 kr.-nut annertussusilerneqarsimapput.

**4. Sulisartunut killilimmik akileraartussaataasunut ilanngaat aalajangersimasoq - § 2, imm. 6.**

Ilanngaatit aalajangersimasut akileraarusiinermi ilanngaataapput, taakku "ilanngaativissanut" tamarmiusunut taarsiullugit sulisartunut killilimmik akileraartussaataasunut ilanngaatigineqartarput.

Ilanngaatit aalajangersimasut ukiuni 1975-imit 2020-mut 1.000 kr.-nut annertussusiligaapput.

**5. Kommunitut ataatsimut akileraarut - § 63, imm. 2.**

Kommunitut ataatsimut akileraarut akileraarutaavoq immikkut ittoq, siunertaalluni inummut ilanngaatip annertuumik qaffannerata (1987-imi 20.000 kr.-nit 35.000 kr.-nut, 1992-imi 40.000 kr.-nut aamma 2005-imi 48.000 kr.-nut) kingunerisaanik kommunit isertitamikkut annaasaannut matussutaanissaat. Kommunitut ataatsimut akileraarummit iluanaarutit tamar-miullutik akileraarutitigut naligiissaarilluni aaqqissuussamut ilaatinneqarput – inummut ilanngaatip qaffanneqarneratigut kommunit iluanaarutissaraluanit annaasaat akileraarutitigut naligiissaarilluni aaqqissuussa qaqutigalugu kommunitut taamaalillutik utertinneqartartut.

Akileraarutip procentia 1987-imit atuutilersinneqartoq 1987-imit 1991-imit 3 %-imut annertussusilerneqarsimavoq, 1992-imit 2004-mut 4 %-imut aamma 2005-imit 2020-mut 6 %-imut annertussusilerneqarsimalluni.